



RESTORAN SONGKET

Pikat Selera

ATKALA anda melangkah ke perkarangan restoran ini dendangan muzik gamelan mencuri halwa telinga. Dekorasi dalam yang begitu mengasyikan sesuai untuk sesiapa sahaja menjamu selera tanpa sebarang gangguan.



Dekorasi ala kemelayuan.

Keenakan sajian yang diinspirasikan daripada makanan tradisi Melayu pastinya mampu menambat selera masyarakat di Malaysia. Rasa masakan cukup untuk menghidupkan empat deria rasa utama iaitu masam, manis, masin dan pahit dalam satu hidangan yang menyeluruh.

Restoran Songket terletak di Jalan Yap Kwan Seng, Kuala Lumpur mengambil nama sempena tenunan songket yang jelas menggambarkan keistimewaan warisan Melayu. Kepada sesiapa yang mencari tempat menjamu selera yang sesuai inilah tempatnya, terletak di kawasan pusat komersial menyediakan pelbagai menu yang menyelerakan.

Dari set makan ala-carte sehingga masakan untuk majlis tertutup, restoran ini pastinya menjadi pilihan ramai kerana sesuai dengan namanya. Tukang masak yang menyediakan masakan kepada pengunjung juga terdiri daripada para chef yang berpengalaman dalam bidang masakan masing-masing.

Menurut salah seorang pemilik dan juga Ketua Chefnya, Chef Mohd Zamri Jemintan, restoran songket pastinya membuka selera pengunjung dengan tawaran sajian yang menyelerakan.

"Selain sajian enak, restoran kami turut menawarkan ka-



Sebahagian kakitangan Restoran Songket.



Ruang bagi mereka yang inginkan lebih santai.

wasan tempat duduk terbuka yang terlindung dan tempat duduk berhawa dingin di mana para pengunjung boleh bersantai sambil menikmati hidangan yang enak dalam keadaan yang selesa.

"Di sini rusuk panggang (roast beef ribs) adalah hidangan paling istimewa di Restoran Songket kerana keenakan rasa serta kualitinya. Ini kerana kami hanya menggunakan bahan segar malah daging digunakan juga adalah daging segar diimport dari Australia atau New Zealand.

"Yang menyebabkan ia lembut kerana dagingnya direbus bersama kicap dan rempah ratus selama dua jam. Makanan ini diolah dari resipi daging panggang tetapi telah diubah suai menjadi masakan melayu," katanya yang berpengalaman lebih 12 tahun dalam bidang ini.

Tambahnya lagi, kebanyakan pengunjung yang datang ke sini terdiri daripada pelancong dan agensi pelancongan yang ingin mengenali dan menikmati masakan melayu yang sebenar.

Selain terbuka kepada sesiapa sahaja pelanggan yang ingin menikmati hidangan istimewa di sini tetapi juga kepada sesiapa yang ingin mengadakan majlis tertutup seperti perkahwinan



ataupun jamuan harijadi juga boleh diadakan disini.

Restoran ini boleh memuatkan seramai 250 orang dalam satu-satu masa sesuai untuk pelbagai majlis. Pihak restoran juga boleh menambah kanopi di perkarangan restoran jika sesuatu majlis yang lebih besar ingin diadakan di sini.

Jika anda ke sini, jangan lupa merasai pilihan pencuci mulut seperti tiramisu durian, puding karamel bersama kelapa dan pannacotta yang sungguh enak dirasai.

Bagaimanapun, untuk makan tengahari anda boleh memilih untuk hidangan set mahupun ala carte. Terdapat set nasi lemak, nasi kerabu dan nasi ambeng yang berharga RM15.90 ++ setiap set. Anda juga akan dihidangkan bersama jus oren dan juga bubur sebagai pencuci mulut.

Bagi mereka yang ingin menikmati hidangan makan malam, mereka boleh memilih menu ala-carte namun



set tertentu juga boleh disediakan atas permintaan pelanggan.

Selain masakan kegemaran ramai, hidangan istimewa seperti udang kerutup, daging masak lemak asam gelugur, sambal goreng minang, kerabu perut dan daging dendeng pastinya kena dengan selera anda.

Bukan hanya hidangan yang menyelerakan menjadi tarikan tetapi persembahan tarian kebudayaan setiap hari Isnin hingga sabtu selama 45 minit bermula pukul 8.30 malam antara tarikan pengunjung datang ke sini. Tarian berkonsepkan 1Malaysia menggabungkan tarian Zapin, India, Cina dan tarian-tarian lain yang terdapat di Malaysia.

Restoran Songket dibuka setiap hari Isnin hingga Jumaat bermula pukul 12 tengahari hingga 3 petang dan dibuka semula pukul 6 petang hingga 11 malam. Manakala pada hari Sabtu, Ahad dan Cuti Umum pada pukul 5 petang hingga 11 malam. Kepada pengunjung yang mempunyai sebarang pertanyaan ataupun tempahan boleh menghubungi 03-2161 3331. - SAJI.